



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 72. Sabellati propositiones censuris perstrictæ.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

rum ob Arnobii editionem ab ipso concinnatam vehementer redarguitur (\*). Sæcul. XVI.  
A.C. 1554.

## §. LXXII.

*Sabellati propositiones censuris perstrictæ.*

Hoc item anno Parisiensis Facultas Theologica plures propositiones, quas sanæ doctrinæ parum consonas censebat, censuris notabat, earumque primam tulit die decima tertia Januarii, cui ansam præbuit apologia, quam Joannes

*Argentre  
Collect. jud.  
de novis er-  
ror. tom. 2.  
p. 222.*

(\*) De aliis *Scriptoribus* sermonem se facturum spondit Continuator in Paragraphi titulo, sed nonnisi unicum recenset, forte ex Thuano, quem allegat, describere oblitus vitam Angeli Caninii, hinc de ejus fato hæc addere lubet. *Circa eadem tempora, & satis concessit Angelus Caninius Anglarensis, vir linguarum non solum Græcæ, & Hebraicæ, sed Syriacæ, & aliarum orientalium rara, & exquisita cognitione insignis, iis perdocendis diu in Italia, Venetiis, Patavii, Bononiæ, Romæ, atque in Hispania moratus: demum Andreæ Duditii Pannonii, cujus illustre nomen in literis, & ob legationes, quas obiit, postea fuit adolescentiæ admotus Lutetiæ Parisiorum docuit, ac postremo in familiam Guilielmi Præsentis Episcopi Claremontani venit, & in Arvernensium finem studiis, & vitæ fecit.*



Sæcul. XVI.  
A.C. 1554.

nes Sabellatus Carnutensis Canonicus eo fine concinnaverat, ut Capituli sui accusationes dilueret. Ex ea sex eruebantur propositiones, quarum prima erat: „Peripateticorum Secta omnium „est maxime perversa, & perniciofa, eo- „quod ex illa celeberrimi prodierint „hæretici, qui exinde Christi legem im- „pugnandi anfam arripuerunt. „ *Prima pars hujus propositionis, inquit Facultas, est falsa, & temeraria: Secunda est captiosa, & temeraria. Tertia captiose, & subdole exercitationem scholasticam repro- bans, est scandalosa & perniciofa.*

„II. D. Paulus ostendere, ac proba- „re nititur, quod linguarum donum, „quod non nisi in recta pronuntiatione „consistit, nullius sit usus, nisi verborum, „ac nominum, quæ pronuntiantur, vis „observetur, atque intelligatur. „ *Hæc propositio, ait Facultas, est falsa, beato Paulo imponens, atque simplices, qui ut plurimum verborum a se prolatorum virtutem, & energiam non observant, neque intelligunt, ab oratione vocali, cæterosque a pronuntiatione in Ecclesiis consueta perperam retrahens; ideo impia, & erronea, viam præbens errori eorum, qui Officium Ecclesiasticum in idiomate vulgari celebrandum esse voluerunt, ut ab omnibus intelligi possit, ut Calviniani.*

III.



III. „ Ad oculum patet, quod hic u-  
 „sus, si in Ecclesia invalescat, recta sit Sæcul. XVI.  
A.C. 1554.  
 „legi divinæ oppositus: „ *Hæc propositio est temeraria, schismatica, Spiritui Sancto, & Ecclesie injuriosa.*

IV. Sacrilegium est dicere *Paracletus*, vel aliter dicere, aut pronuntiare, quam *Paracletus*: hæc propositio est præcedenti conspirans, falso *Ecclesie*, & orthodoxis *Patribus* imponens, impia, & blasphemata.

V. „ Non magis ad Episcopum, Prælatum, vel Capitulum, quam ad privatum Canonicum spectat, innovare, in quantum ejusmodi innovatio tendit ad cujusdam legis, statuti, aut consuetudinis receptæ immutationem, nisi prius cum toto Clero consultatio desuper fuerit habita. „ *Hæc propositio satis obscura, & in qua Author suo proposito contradicere videtur.*

VI. Differens Auctor de suæ apologiæ summa inquiebat: „ Mihi tamen integrum remanet, ut eandem hanc quæstionem in omnibus Universitatibus cis, & ultra montes, imo etiam trans mare fitis proponere valeam, cum ad illius majus pondus, ac fructus exinde colligendos operæ pretium sit. „ *Hic epilogus, testatur Facultas, declarat arrogantiam, & pertinaciam in suis perversis assertionibus.*



Sæcul. XVI. Denique eadem Facultas de hac  
A. C. 1554. Sabellati apologia sequens tulit judi-  
 cium: *illa continet assertiones captiosas, temerarias, subdolas, scandalosas, perniciosas, utpote exercitationi scholasticæ adversas, Et ab oratione vocali, atque pronuntiatione juxta ritum, Et consuetudinem Ecclesiæ perperam retrahentes, Schismaticas, Spiritui Sancto, Et Ecclesiæ injurias, orthodoxis Patribus falso imponentes, impias, blasphemias, de industria obscuras, ac difficiles.*

Eadem die decima tertia Januarii Facultas conventu Sorbonnæ habito hæc censuras ratas habuit: altera autem die re divina pro defunctis peracta apud S. Mathurinum deliberabat circa alias propositiones, jam discussas in quodam Conventu, quem die prima Augusti Anno millesimo quingentesimo quinquagesimo tertio celebraverat, nunc vero ex illis nonnisi unicam damnabat his conceptam verbis: *Animarum gratia mundus, qui nunquam est factus, ex nihilo est factus.*

*Hæc propositio, declarat facultas, est hæretica; intellige, mundum ab æterno factum esse ex nihilo.*

Die decima septima Aprilis Deputati in eodem Collegio Sorbonnico congregati quosdam examinabant articulos, atque adesse jubebant quemdam primæ laureæ Doctorem nomine Guilielmum  
 Brac-



Braccas, seu Chauffe, eoquod in parva, Sæcul. XVI.  
A.C. 1554.  
ut vocant, *ordinaria* sub Lebello Doctore,  
ac Præside in Episcopi Parisiensis Au-  
la pridie quasdam propositiones enun-  
tiasset: itaque interrogatus de suis po-  
sitionibus, aliqua respondit digna repre-  
hensione, præterquam quod etiam pro-  
positiones in se continerent errores, cum  
tamen a præfato Magistro esset admo-  
nitus, ut emendaret illas, ei non pa-  
ruit: de hoc ergo negotio ita delibera-  
tum est. *Dictus Baccalaureus primus si-  
gnabit, se submissurum particulariter in hoc  
negotio Facultati, & deinde maturius dis-  
cutietur de futura correctione.*

Paruit huic sententiæ Doctor, atque  
sue subjectionis syngrapham proprio fir-  
mavit chirographo.

§. LXXIII.

*Facultatis judicium de Privilegiis  
Jesuitarum.*

Die prima Septembris Facultas con-  
ventum habebat pro expediendis  
duobus aliis negotiis, quorum primum  
concernebat quædam privilegia a San-  
ctissimo Domino nostro Papa Paulo III.  
*Bullæ Jesuitarum, & Sanctissimo etiam*  
*Domino nostro Papa Julio III. concessa,*  
*in favorem quorundam, qui se nomine So-*  
*cietatis Jesu insigniri cupiunt. Equidem*  
scripta offerebantur hæc privilegia, qui-  
bus

*Argentre  
l.c. tom. 2.  
p. 224.*